



'Ja se prema Svome robu odnosim onako kako on misli o Meni. Ja sam sa njim kad Me se sjeti

Od Ebu Hurejre, radijallahu anhu, prenosi se da je kazao: "Allahov Poslanik, sallallahu alejhi ve sellem, je rekao: 'Uzvišeni Allah kaže: 'Ja se prema Svome robu odnosim onako kako on misli o Meni. Ja sam sa njim kad Me se sjeti. Ako me spomene tajno, i Ja njega spomenem u tajnosti, a ako Me spomene u društvu, i Ja njega spomenem u još boljem društvu. Ko se Meni približi za jedan pedalj, Ja mu se približim za jedan lakat. Ko se Meni približi za jedan lakat, Ja se njemu približim za jedan hvat. A ko Meni ide hodom, Ja njemu idem trkom.'"

[صحيح] [متفق عليه]

Vjerovjesnik, sallallahu alejhi ve sellem, prenosi da je Allah Uzvišeni rekao: "Ja se prema Svome robu odnosim onako kako on misli o Meni. Postupam prema njemu onako kako on misli o Meni. Dajem mu ono što od Mene očekuje, bilo da je to dobro ili loše. Kada Me spomene, Ja sam s njim kroz milost, uputu, pažnju i podršku. Ako Me se sjeti u sebi i u osami, veličajući Me tesbihom (subhanallah), tehliom (la ilahe illellah) ili na neki drugi način, i Ja njega spomenem u Sebi. A ako Me spomene u skupini, Ja njega spomenem u većoj i boljoj skupini od njegove." Ko se Allahu približi za jedan pedalj, Allah se njemu približi za jedan lakat. Ko Mu se približi za jedan lakat, On se njemu približi za jedan hvat. Ukoliko neko prema Allahu krene hodajući, Allah njemu krene užurbano. Kada se rob približi svom Gospodaru kroz pokornost Njemu, Gospodar Uzvišeni ga nagradi time što ga još više približi Sebi. Nagrada je onakva kakvo je djelo. Što je vjerniku potpunije robovanje Gospodaru, to Mu je on bliži. Allahova nagrada veća je od djela koja čovjek čini. Prema tome, Allahova nagrada je veća i masivnija od samih djela i po kvalitetu i po kvantitetu. Vjernik gaji lijepo mišljenje o Allahu, čini dobra djela i trudi se da bude što bolji sve dok Ga ne sretne.

<https://www.sunnah.global/hadeeth/bs/show/3636>

